

Wāween Kabojak ñan Kun Jarom


Emaron wōr kun jarom ilo ien enana lañ, ewōr ibwij, nana kōto im wōr kijeek ko rej walok jen maar ilo ien winter, ak elañe ejorrān kein jermal ko an jikin jarom eo.

Wāween bojak moktalok:




- Ñe kwōj kōjermal jabdewōt mejin in taktō ko rej aikuj jarom, kenono ibben taktō eo am kin kein jarom ko jet kwōmaron kōjembali ilo ien ewōr kun jarom.
- Kenono ibben rijermal eo an jikin wūno kin ta eo kwōn kōmmāne kin wūno ko rej aij pok.
- Kejbarok an wōr battore ak kein jaaj ko ñan mejin ko kwōmaron makūtkūt kaki.
- Likūt juon teiniki ibben kajojo armij ro rej jokwe ilo mweo.
- Kōlablok joñan bato in aeboj im mōñā ko rejab bidodo aer jorrān einwōt mōñā ko ilo kuwat, cracker, fruit ko emōj aer kōmōrā ak granola bar ko.
- Likūt kein elo carbon monoxide ilo aoleb bulor mweo imōm im kejbarok an lablok joñan battore ko ibbam. En wōr ien am teeje kein kakōlkōl ko.
- Kebooj an wōr kein kamololo im paak in aij ko ilo ien ewōr kun jarom.

Ilo ien an kun jarom:



- Kejbarok an jalele, bao, eek, im leb ko bed ilo ak molo lok jen 40°F im mōñā ko rej kwoj ilo ak diklok jen 0°F. Kejbarok an kilōk wōt kōjam ko an aij pok eo im kein kakwoj eo ñan joñan am maron. Juon aij pok eo ejab bellok enaj kejbarok an molo mōñā ko iloan iomwin emen awa, im juon kein kakwoj iomwin 48 awa. Kōjermal kein joñjoñ bwil im molo an mōñā ñan lale mōñā ko mokta jen am kōmat. Jolok jabdewōt mōñā joñan mōlo eo an enaj lablok jen 40 tiikri Fahrenheit (40°F).
- JAB kōjermal jitob ak obin kiaj ñan kōmānāne iloan mweo imōm. Mennin emaron kōmman an lablok carbon monoxide im emaron kōmman mij.
- Ne kwōj kōjermal juon generator, jitob in kaam ak grill mele ñan am kein kōmānān, kōmmāne inaboj im ilo jikin eo ejab diklok jen 25 ñe ettolok jen wūnto im jikin an toor kōto ñan am jab baijin jen carbon monoxide .

Ñe kwōj kōjermal generator:



- Likūt generator eo im kiaj inaboj im jab diklok jen 25 ñe jen wūnto ko.
- Kejbarok an jab tutu generator eo. Ñe enaj tutu generator eo, am jibwe emaron kōmman am jarom.
- Ñe kwōj aikuj bar kanne kiaj, kōtlok an kamololo generator eo mokta. Kiaj eo ear lutōk ak mōttan ko an injin bwil eo remaron kōmman kijeek.